



PONGO

Contu po is pipius



REGIONE AUTÒNOMA
DE SARDIGNA



COMUNU DE
GONNOS

PROGETU IMOJ ETOTU

Saudi, seu s'amigu tuu,
PONGO, unu calleddu
curiosu curiosu!

Ajò, gioga cun mimi e ligi is
aventuras mias!



Pongo est unu calleddu piticheddu
piticheddu, tenit unu fradi e una sorri.
Is àterus duus giogant po oras e oras,
ma a Pongo ddi praxit a cumpudai e a
scoberri cosas e logus nous.

Pongo est diaderus curiosu meda, totu
ddi interessat: sa mariposa asuba de
unu frori, is alas, unu matzucu, unu
fragu...



Aici una dì, chentza de nai nudda, si
nd'est andau de pratza sua, citiu citiu,
totu fraga fraga, cun sa cou atziada: su
mundu est abetendi-ddu!

Pongo, in s'erba, at biu calincua cosa,
una bòcia tunda e cun spina.
Dda bolit fragai e s'acostat, acanta
acanta e...

Oci! pungit meda!
Est un'arritzoni!



Prus a innantis, in mesu de s'erba, ddoi
at unu conillu chi si fuit, est currendu a
lestru!



Pongo ddu sight,
cun is origas chi si
movint po su bentu,
ma...ddoi at unu
stampu...e...nc'est
arrutu aintru!

Imoi is bacas si funt postas a ingiru de Pongo, movendi is campanas chi portant in su tzugu:

“ma castia tui, chi est custu chi s’at strobau candu nosu fiaus papendi in paxi?”


Scedadeddu Pongu, est atzicau meda, est timendu cussas bacas cun is corrus acutzus.

Mellus a si nci fui, de pressi!



**Arribau in pratza sua, sa domixedda
segura, imoi Pongo no timit prus!**

**Ma imoi ddu sciit, chi po unu calleddu
pitiu, est mellus sémpiri a abarrai
acanta de mamma!**



PONGO

Contu po is pipius



*Bortadura in sardu de su libbureddu de
Raffaella Bolaffio e Giovanna Mantegazza.*



REGIONE AUTÒNOMA
DE SARDIGNA



COMUNU DE
GONNOS

PROGETU IMOI ETOTU